



# EMBRACE

EBCC MUMBAI MONTHLY NEWSLETTER



## FROM THE PASTOR'S DESK

EBCC Mumbai a ding a amasapen ding in Newsletter "**Embrace**" suah khiak theih leh melmuh theih in hong omta hi. Hiai Embrace hong pian khiakna ding a panlatu BYF te leh phalna hon pia a poimohna teng a kithuahpihna honpe ding a mansa a om TBSUC te tung leh apoimoh pen Pathian tung ah kipahthu kagen masa hi.

Pathian makaih ziak in EBCC Mumbai in kum thum bang mel muta chih theih hi. Kum thum milestone i phuh khat tuh I newsletter ahi.

Awle, tukum a ding a I Saptuam pumpi **thupi** enkhawm leng ut huai kasa hi. Gen.12:2c apan a kilakhia, "**Nang vualzawlina hi in.**" Abraham in Pathian dik be khalou leh zui khalou in kum tamtak a hinkhua a na zangkhin mahleh, a hong upat nung in Pathian hing hon mu a, a hinna hong kikhek lumlet hi. Hiai hih Pathian apan vualzawlina a tan masak ahi. Pathian hing nei hong hita hi. Pathian toh a kal uh kuamah khenzoh vualloh in hong kip hi. A khoveng hihna hiai leitung ahi nawn kei a, vangam khua leh tui hihna hon tangta hi.

Thumanna in Pathian apan sa leh kha a vualzawlina tampi sam khia lai hi. Pathian apan vualzawlina amuh midang ten le a muh sam na ding in sawlkhiat in omta hi. Abraham in Pathian apan vualzawlina a muh midangte'n le a muh theih na ding un aman (price) tampi hon pia hi. Khenkhatten Pathian vualzawlina dei in aman pengam lou zel uhi. Jesu hondampa ding a dei mahleh a nungzui ngaplou toh kibang hi. Nuamtak a nungzuih sawm na in Pathian kipahlam sukhahou ding hi. Nasepte 14:22 ah **Gim thuak-na tampi toh Pathian Gam lut ding** ahiah dan kigen hi.

Huaiziakin, Abraham bang a Pathian tate a ding in Pathian a ginna kip, hih liin vualloh nei poimoh hi. Abraham in Pathian apan vualzawlina amuh leh aneih pen amah a ding kia a koih lou in, midangte'n leng a muh sam ua, a nei sam na ding un a kalsuan khiak bang in, nang leh kenle a poimoh leh kalsuan khiak ngai ahi chih mangngilh sawm kei ni. **Nang, midangte a ding in bang chi bang vualzawlina hih na ut a?** Simtute teng teng Toupan hon vualzawl chiat hen. Kipak.

~ Pastor M. Thangkhenmung Guite, Local Pastor, EBCC Mumbai

## MARCH KHA BIAKNA HUNZEEK

**Kikhopna Hun** - 3:45 PM - 5:30 PM

**Kikhopna Mun** - Parish Hall, Robinson Memorial Methodist Church, Byculla

**March 18, 2018**

**EBCC Mumbai 3<sup>rd</sup> Anniversary Program**

*(Special program ahiah ziak a 3:15 PM a pat di)*

Hunkemtu : Pa Dr.Liankhanmung Guite

Patna Thumna : Nu (Dr.) Lalthangmawi

Phatkhawmna : Worship Team (WT)

Thumkhawmna : WT

Thilpiak Lantu : Local Chairman

Prayer for EBCC Mumbai & Thugenna:

Rev. Zalian Guite, FS Karbi Anglong

Phatkhawmna: WT

Vualzawlina : Local Pastor.

Phatna Laa : Prayer cells, BCD leh BYF

**March 25, 2018**

**Palm Sunday Biakna Program**

Conductor : Pa Ginkhansiam Tunglut

Patna thumna : Nu Lianching

Thumkhawmna : Mipi

Thilpiak Lantu : Local Chairman

Thupuanna :

Special Items : BCD

Thugenna : Local Pastor

Vualzawlina : Thugentu

**March 30, 2018**

**Good Friday Biakna Program**

Conductor : Tv. Nangsonmuan Tonsing

Patna Thumna : Nu Hoihching Thomte

Thumkhawmna : Mipi

Thohlom Lantu : Local Secretary

Thupuanna :

Thugenna : Local Pastor

Holy Communion : Local Pastor & Upate

Vualzawlina : Local Chairman

## EBCC-M PRAYER CELLS TUAMTUAM TE

### KALINA AREA PRAYER CELL

**A huamkhak sung** : Kalina leh Vakola

**Kipatkhiakni** : 15<sup>th</sup> May 2015

**Kipatkhiatdan** : Thumna, personal testimony, Bible simkhawmna leh sharing tungtawn a khat-le-khat kisuk hattuahna ding, chih leh khalam kia hilou salam ale kinaih zawk semna hon tutna ding a kipan ahi.

**Kikhop hun** : A tangpi in Saturday in kineisek hi. Saturday a lemtaan louh chi-angin weekdays a lem penpen ah neihzel ahi. Ahun ahiehleh nitak ann nekkhit dak 10:30 PM - 12:00 AM tan khong.

Kikhop chiang in thohlawm kidong zel a, thohlawm sumte in missionary kivaak in, Grace Bible College bang ale Group Patron in kipang hi.

### ANTOP HILL AREA PRAYER CELL

**A huamkhak sung** : Antop Hill, Sion, Anushakti Nagar, Dadar and neighbouring areas

**Kipatkhiakni** : 31<sup>st</sup> Oct 2015

**Kipatkhiatdan** : Prayer fellowship masa pen Ngk. Lynda Manthiannem te' inn ah Oct 31, 2015, nitak dak 7:00 in neih in om hi. Hiai hun in Kalina Prayer Cell apat Pa T.K. Zam Guite te' sungkuan telin mi bangzah hiam te'n hong uap ua, Pathian vualzawlina leh A khasiangthou kithuahpihna toh, "Antop Hill Prayer Cell" min in thumkhawmna program a masapen manphatak leh lohchingtak in zat in om hi.

**Kikhop hun** : Antop Hill ah namdang (Unau Kuki, Vaiphei leh Gangte) te toh EBCC Antop Hill Prayer Cell a kiphuh khiakma a Prayer Fellowship ana kinei tou gige ahihman in, EBCC Antop Hill Prayer Cell te'n khateng in second & fourth Saturday nitak in ana kinei tou zel hi.

### WESTERN LINE AREA PRAYER CELL

**A huamkhak sung** : Western Line (Andheri - Vasai tan hideuh tangpi)

**Kipatkhiakni** : 28<sup>th</sup> May 2016

**Kipatkhiatdan** : Prayer fellowship masapen Nu Ningzaniang's residence, Vasai East ah kinei hi. Tuni tan in khakhat a khatvei ki zang tou thei zel lai hi, Amah i Toupa hoih na leh piina ziaak in. Milip ahieh leh pat tung in innkuan 6 khong aki pha zou a, tu'n bel inn thum khong lel ki om ta hi.

Pastor Mung leh BYF te'n awlmohna leh ngaihnatna toh hong uap zel uh ahieh man in kipahhuai lua hi. Hun zatdan ta'ngpi ahieh leh sharing in kipaisak a, naupangte hun (Iaa/Bible verse) kipe zel a, Mission's thohlawm leh ki lakhawm zel hi. Event pi deuh a om chiang in Western Line a om teng - Colaba tan in ki gawmkhawm zel hi.

**Kikhop hun** : Khakhat a khatvei.

### NAVI MUMBAI AREA PRAYER CELL

**A huamkhak sung** : Vashi apat Panvel banah mun dang a fellowship atel theilou/ lemtanglou tengteng le huap in

**Kipatkhiakni** : Oct 2014

**Kipatkhiatdan** : Kum 2013-14 in Khalam leh Salam a kithuah khawmna masa pen ding in Unaunu Ngaihnem Tangpua inn, Sector 1, CBD Belapur ah innkuan thum leh li kisutuah a pat ahi a. Navi Mumbai prayer cell pen a neitu tuam om-lou. Navi Mumbai a omte a utut tel theihna ahi.

**Kikhop hun** : Prayer fellowship pen kha khat a khatvei ahihman in ahun/timing leng zekai deuh in kibol zel a, a tangpi in 6:30 pm hi deuh hi.

March khasung in leng monthly prayer fellowship khatvei neih kisawm hi.



## HAPPY BIRTHDAY!

March 1 Dr. Samuel Tonsing  
 March 1 H. Thangzamuam  
 March 3 Chingmuankim @ Kimneu  
 March 3 H. Thangginom  
 March 4 Esther Lamthianhoih  
 March 5 Ching Tonsing  
 March 8 Pastor M.Thangkhenmung  
 March 8 Malcolm Ovichegan  
 March 15 Vungngaihlu  
 March 15 Nianlunman@Tete Guite  
 March 17 Kamching  
 March 18 Khawlneihlu  
 March 20 Singmuanlal Khuotong  
 March 23 Ginsuanmung Hangzo  
 March 24 Kamkhanmung L.Ngaihte  
 March 26 Khamlianhang Khuotong  
 March 27 Dr. Liankhanmung Guite  
 March 30 Laljohn Sektak  
 March 30 Thawngsonhau Ngaihte

**Nambers 6: 24-26**

<sup>24</sup> Toupa'n nou hon vualzawl in honveng hen.

<sup>25</sup> Toupa'n a mel na tung uah vaksak henla, hon hehpih hen.

<sup>26</sup> Toupa nou lam hong nga henla, lungmuanna nou honpia hen.

## THUMNA MAKAITU

### Kipahthu Genna

1. March 14, 2018 in I Saptuam kum thum chingta hi. PATHIAN kiangah kipahtu genni. Hiai ni mah in Pastor quarter leh office thak luah in om hi.
2. March 10-11, 2018 Discipleship Seminar, Bangaluru a om heutu vahohte damtakin hong tungkik uhi.
3. Pa Thangsuanmung Tunlut nu leh pa ki-enskolsak a hong, tarik 15 March 2018 in damtakin Lamka zuan nawnta uhi.

### Thumpih Ding

1. Naupang exam nei lellel te thumna ah delh zui ni.
2. Nu Ningzaniang, Kerala a ki enkolsak dia hoh thumna ah phawkni.

## SAPTUAM BANK ACCOUNT DETAILS

Evangelical Baptist Convention, Mumbai  
 State Bank of India  
 Golden Arrow Apartment,  
 Kalina-Kurla Road, St. Mary Chowk, Kalina, Mumbai - 400029  
 A/c No. 34916222036  
 IFS Code : SBIN0014914